

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-7626/21
Sarajevo, 19.05.2021. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 3. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnik Jasmin Smječanin-

1.Pokrećem inicijativu za izmještanje spomen ploče poginulim borcima braći kadić sa pumpe u Brijesću na lokaciju u sklopu ili kod novoizgrađene dvorane OŠ „Umihava Čuvidina“

2.Pokrećem inicijativu da Općina Novi Grad Sarajevo u skladu sa mogućnostima razmotri proširenje ceste od Doma Oslobođilaca Žuč do Golog brda, te izgradnja trotoara uz cestu.

-vijećnik Adi Škaljić-

Uspostavljanje programa finansiranja posjeta osnovaca sa područja Općine Novi Grad Sarajevo Zemaljskom muzeju BiH.

OBRAZLOŽENJE: Predlažem da Općina Novi Grad Sarajevo u skladu sa dostupnim budžetskim sredstvima pokrene program finansiranja posjeta osnovaca Zemaljskom muzeju BiH. Ulaznice u muzej koji sadrži veliki broj neprocjenjivo vrijednih eksponata, koštaju svega pet konvertibilnih maraka. Ukoliko Općina uspije da postigne sporazum o saradnji sa muzejom, cijena ulaznica bi mogla biti još i niža. Ukoliko bi se ovaj sistem uspostavio, koristi bi bile dvojake. Mladi bi se mogli upoznati sa historijskim i prirodnim bogatstvima svoje zemlje, a Zemaljskom muzeju BiH bi barem djelomično olakšali svakodnevno poslovanje.

-vijećnica Enisa Spahić-

1.INICIJATIVU ZA INFORMATIVNU OBJAVU NA ZVANIČNOJ WEB STRANICI OPĆINE NOVI GRAD O DODJELI JEDNOKRATNE NOVČANE POMOĆI OBOLJELIM OD CELIJAKIJE NA NAŠOJ OPĆINI U 2021.GODINI

Obrazloženje prijedloga inicijative:Obzirom da smo usvojili prijedlog dodjele jednokratne novčane pomoći oboljelim od celijakije na našoj općini i uvrstili u budžet za 2021.godinu, predlažem da informativno obavijestimo naše građane kako bi na vrijeme skupili neophodnu dokumentaciju i aplicirali za pomoć.

2.INICIJATIVU ZA OBILJEŽAVANJE AUTOBUSKOG STAJALIŠTE U ULICI ALEJA BOSNE SREBRENE

Obrazloženje prijedloga inicijative:Na zahtijev većeg broja građana molim da se razmotri mogućnost obilježavanja autobusnog stajališta sa horizontalnom i vertikalnom signalizacijom na raskrsnici ulica Aleja Bosne Srebrene i Branislava Nušića kod samouslužne autopraonice.

3. INICIJATIVU ZA ZAMJENU IMPROVIZIRANOG POKLOPCA ZA ŠAHT

Objasnjeno prijedlogu inicijative: Molim da se što prije zamjeni improvizirani poklopac na šahtu u ulici Branislava Nušića do broja 111 B koji se nalazi na sredini ulice te ometa normalnom odvijanju saobraćaja i predstavlja opasnost kod kretanja pješaka, posebno u večernjim satima zbog slabe ulične rasvjete gotovo se i ne vidi poluotkrivena šahtovska rupa što predstavlja dodatnu opasnost.

b) Vijećnička pitanja

--vijećnik Jasmin Smječanin--

1. Da mi se dostavi informacija o početku radova, završetku radova, finansijskoj konstrukciji projekta izgradnje tramvajske stanice na Otoci. Isto tako želim informaciju ko je izvođač radova, s obzirom da na pomenutom lokalitetu ne postoji obavezna tabla o tim informacijama

-vijećnica Elza Gaković-

1. Pokrećem inicijativu za pronalazak lokacije i izgradnju dječijeg i sportskog igrališta sa mobilijarom na području MZ Rječica. Na području ove MZ živi veliki broj djece i omladine te je potreba za ovakvim sadržajima velika.

2. Pokrećem inicijativu za izgradnju parka za djecu sa poteškoćama u razvoju na lokaciji Centra Safet Zajko. Za djecu sa poteškoćama u razvoju neophodno je postavljanje specijaliziranih sprava za igru i vježbanje, prilagođenih njihovim potrebama i mogućnostima (ljudska za djecu u invalidskim kolicima, vrtiлица sa rampom za kolica te sprave za vježbanje prilagođene djeci u kolicima, kao i kombinovane sprave za djecu sa poteškoćama u razvoju i bez poteškoća zbog bolje inkluzije i socijalizacije).

3. Pokrećem inicijativu da se sportska igrališta na području općine Novi Grad Sarajevo koja nemaju rasvjetu osvijetle. Razlog pokretanja inicijative je omogućavanje boravka i samih sportskih aktivnosti i u večernjim satima kao i sprečavanje mogućih nepoželjnih pojava.

4. Pokrećem inicijativu za uspostavljanje horizontalne i vertikalne signalizacije čitavom dužinom ul: Avde Palića. Naročito je neophodno postavljanje usporivača saobraćaja te označavanje prelaza zbog saobraćanja školskog autobusa te velikog broja školske djece. Prelazak ulice djece i ostalih učesnika u saobraćaju zbog brze i nesvjesne vrlo je rizičan. Molim nadležno ministarstvo da hitno reaguje po ovom pitanju.

5. Spoj ulica Senada Čolića i ul: Safeta Zajke zbog svakodnevnih parkiranja auta na proširenju u ulici Safeta Zajke svakodnevno ugrožava vozači i pješake koji dolaze iz ul: Senada Čolića zbog totalne nepreglednosti saobraćaja iz pravca grada. Potrebno je što hitnije postaviti fizičke prepreke da se ne mogu parkirati auta uz sami rub ulice Safeta Zajke.

-vijećnica Aida Ožegović-

1. Podnosim inicijativu za uklanjanje postojećih usporivača saobraćaja duž ulica Braće Mulić i Bulevar Mimar Sinana, te postavljanje mjerača brzine i pješackih ostrva u blizini sve tri osnovne škole.

Objasnjeno: Na pomenutoj saobraćajnici, Braće Mulić i Bulevar Mimar Sinana nalaze se tri osnovne škole u čijoj su blizini postavljeni usporivači saobraćaja koji su dotrajali i oštećeni te izazivaju štetu na vozilima. Shodno navedenom su mi se više puta obratili stanovnici Dobrinje ukazujući na ovaj problem. Molim da se inicijativa za uklanjanje postojećih usporivača prosljedi nadležnoj općinskoj službi i Ministarstvu saobraćaja Kantona Sarajevo.

2. Podnosim inicijativu za postavljanje još jednog mjerača brzine, saobraćajnih znakova ograničenja brzine, trotoara u jednom dijelu ulice Kurta Šorka , M 18, od ulaza u aerodrom do entitetske linije razgraničenja.

Obrazloženje:Na pomenutoj saobraćajnici je ograničenje brzine 60km/h i postavljena je jedna kamera za mjerenje brzine u dijelu saobraćajnice gdje nema uključanja iz drugih ulica, a u dijelu gdje se uključuje sporedna ulica, Reufa Muhića i gdje djeca i stanovnici iste svakodnevno prelaze da bi došli do škole ima samo iscrtan pješački prelaz. Navedena kamera ne registruje brzinu na tom dijelu te bi trebalo postaviti saobraćajne znakove ograničenja brzine, kameru i usporivač brzine. Ako se na ovoj vrsti saobraćajnice ne može postaviti traženo molim da se razmotri izgradnja nadvožnjaka na pomenutoj lokaciji. Na dijelu ceste od ulaza u aerodrome do skretanja u ulicu Reufa Muhića i ulice Andreja Andrejevića potrebno je postaviti i trotoar zbog sigurnosti avio putnika koji se tim dijelom kreću pješke. Molim da se inicijativa proslijedi nadležnim službama, Cestama Federacije u čijoj je nadležnosti navedena cesta.

3. Podnosim inicijativu za postavljanje novih kontejnera u ulici Rudija Alvađa.

Obrazloženje:U pomenutoj ulici su 3 dotrajala kontejnera koji se ne zatvaraju tako da je uvijek smeće pored postojećih kontejnera koji su nedovoljni za broj stanovnika u ulici. Ako postoji mogućnost da se izgrade i nadstrešnice za iste. Molim da inicijativu prosljedite KJKP Rad.

4. Podnosim inicijativu za iscrtavanje parking mjesta na svim parkinzima u naselju C5, te iscrtavanje parking mjesta u dijelu jednosmjerne ulice Hakije Turajlića gdje je to izvodivo.

Obrazloženje:U navedenom naselju nisu iscrtana parking mjesta na parkinzima što stvara dodatni problem nesavjesnim parkiranjem određenoog broja stanovnika, te bi bilo poželjno da se sva parking mjesta u navedenom naselju iscrtaju. U dijelu jednosmjerne ulice Hakije Turajlića od broja 1-21 postoji mogućnost obilježavanja parking mjesta , sa lijeve strane ulice, što bi olakšalo parkiranje i čime bi se dovela u red auta u mirovanju.

5. Podnosim inicijativu za uređenje parka na tunelu, Dobrinji, naselje C5.

Obrazloženje: Na navedenom lokalitetu su postavljene dvije klupe koje su nedovoljne za ovaj park te vam se obraćam sa inicijativom da se pored postojećih postave još dvije klupe, da se postave i dodatne dvije kante za otpatke, da se dopuni postojeći mobilijar za djecu i da se ispod istog uredi podloga od pijeska ili šljunka. U navedenom parku je potrebno uraditi i forestaciju. Napominjem da je u naselju C5 ovo je jedini park. Molim da se inicijativa proslijedi nadležnim službama, KJKP Park i KJKP Rad.

-vijećnik Mirza Memišević-

1. da se započnu aktivnosti na uspostavljanju vodosnabdijevanja gradskom vodom stanovnika Dobroševića, kao i drugih naselja koja se nalaze u sličnoj situaciji.

Obrazloženje: Stanovnici Dobroševića godinama su bez vode koju obezbjeđuje kantonalno javno preduzeće Vodovod i kanalizacija. Oni se snalaze sami i koriste vodu sa lokalnih izvora čiju ispravnost uglavnom niko ne provjerava ili se to, sa pojedinih izvora, ne radi redovno.

2.za izgradnju trotoara cijelom dužinom ulice Avde Palića

3. da i druga (starija) djeca mogu koristiti gradski prijevoz koji je sada finansiran samo za učenike do 4. razreda u naseljima Zabrđe i Briješće.

4.da se uspostavi i izgradi još jedno autobusko stajalište u ulici Avde Palića u gornjem dijelu naselja u blizini prijelaza preko potoka.

Obrazloženje: Brojna djeca moraju pješačiti bespotrebno dugo kako bi došli ili otišli sa postojećih autobuskih stajališta. Uspostavljanje novog stajališta u blizini mosta olakšalo bi djeci i drugim stanovnicima koji koriste gradski prijevoz.

5.da se popravi rasvjeta na putu do osnovne škole Aleksa Šantić - krak ulice Ramiza Salčina.

6. da se u ulici Sulejmana Filipovića od 1 do broja 5 (preko puta ovih brojeva; u blizini parking garaže) postave visoki ivičnjaci koji će onemogućiti nesavjesne vozače da se parkiraju na zelenu površinu.

7. da se opere i očisti ulica Avde Palića. Pri tome se ne misli na dio koji je u izgradnji nego na ostatak ulice.

8. Inicijativa da se pomjere kontejneri iz ulice Adija Mulabegovića koji se nalaze na raskrsnici preko puta Beko shopa na mjesto u blizini, sa bočne strane istih stambenih zgrada kako kontejneri ne bi stajali ispod prozora zgrada nego pored iste zgrade ali na strani na kojoj se ne nalaze prozori dnevnih i drugih soba.

9. da se oblikuje šumski put/šetalište od Dobrinje do parka šume Mojnilo sa klupama za odmor.

-vijećnik Silvije Kristić-

1. Izmjena saobraćajne signalizacije, ulica Ive Andrića na raskrsnici između C faze I B faze Alipašino polje.

Obrazloženje: Na ovoj raskrsnici desile su se i dešavaju se mnogobrojne saobraćajne nesreće, gdje su ozbiljno ugroženi životi kako vozača, tako i pješaka koji čekaju na raskrsnicama da pređu ulicu, a u velikom broju auta završavaju zapucana u bandere ili drveća, što će i slike u prilogu najbolje pokazati. U prilogu ću postaviti slike 12 različitih saobraćajnih nesreća iz zadnjeg perioda koje su se desile na istom mjestu, te predstavljaju lokaciju na kojoj se ovakve stvari iznova i iznova dešavaju, a ništa se po tom pitanju ne poduzima. Također u prilogu šaljem i prijedlog mogućeg rješenja tog problema, a to je uvođenje trećeg intervala zelenog svjetla koji će odvojiti skretanja u C odnosno B fazu. Na taj način će se izbjeći potencijalni udesi koji su se u 90% slučajeva zbog toga dešavali. Napomenut ću da se ovakav princip signalizacije primjenjuje 300 metara niže gdje nisam primjetio da se desila ijedna nesreća. Dodatni prijedlozi za ovu raskrsnicu bilo bi stavljanje traka usporivača, te možda u nekoj budućnosti izgradnja kružnog toka jer ova saobraćajnica ima veliku važnost u spajanju A i IX transferzale.

2. Sanacija ulice u ulici Ive Andrića i naborana raskrsnica.

Obrazloženje: U ulici Ive Andrića, nalazi se slobodno mogu reći skakaonica koju je Red Bull Soap Box koristio davne još 2006. godine za skakaonicu u njihovoj adrenalinskoj zabavi koja je tada priređena građanima ovog naselja. 15 godina poslije, ta skakaonica (izbočina na cesti) nije riješena i automobili koji prvi put tu prolaze rizikuju oštećenje vozila. Videosnimak ću poslati u posebnom mailu zbog ograničenja gmaila. Na istoj toj raskrsnici nalazi se naborana cesta i šahtovi koji nisu nivelisani sa ostatkom kolovoza. Trostruka opasnost za uništavanje motornih vozila koji u velikom broju tu saobraćaju.

Slike lokacije i oštećenja dostavljam ispod.

3. Označavanje "crvene zone" horizontalne signalizacije u naseljima Alipašino polje B faza I C faza.

Obrazloženje: Ispred mnogih zgrada konkretno na području Alipašino Polje, ulica Geteova i Bosanska, Nerkeza Smajlagića, parkirana su vozila ispred zgrada uz trotoar, što dovodi do nekoliko različitih problema. Otežan pristup invalidima i prilazu zgradi, djeca, ali i odrasle osobe su zaklonjene dok pokušavaju preći na parking, vatrogasna vozila i vozila hitne pomoći ne mogu prići zgradi, radnici u slučaju kvara na vodovodnoj mreži imaju problem pristupa (slika upravo te situacije u prilogu). Moj prijedlog rješenja tog problema jeste označavanje crvenom bojom na samom asfaltu oznake "X" koja bi značila zabranu parkiranja na tim mjestima ali koja bi bila vidno istaknuta na velikoj crvenoj površini, te bi takođe povećali frekvencu obilazaka organa policije na ovim mjestima.

Slike lokacije dostavljam ispod.

4. Podnosim inicijativu da se do 27. jula spomen obilježje na Žući Komandanta Prve slavne – 111. viteške brigade Envera Šehovića i njegovih saboraca uredi na način kako ovi heroji to i zaslužuju. Potrebno je očistiti spomen ploču, urediti klupe koje se nalaze u neposrednoj blizini istog, postaviti zastave pored spomen ploče i istu osvijestiti.

Obrazloženje: Komandant Prve slavne – 111. viteške brigade Enver Šehović poginuo je 27. jula 1993, tačno 40 dana nakon Safeta Zajke, komandujući odbranom Golog brda. Život je taj dan izgubio i heroji Zahir Panjeta, Esad Panjeta i Kalamujić Zlatan.

Njihovom pogibijom glavna priča o Žući je završena. Zajedno su ratovali, zajedno oslobađali zemlju, zajedno postali slavni i u kratkom vremenu otišli u legendu.

A danas nas na njih podjeća ovo spomen obilježje za koje vas molim da do 27. jula kada će se na ovom mjestu odavati počast ovo mjesto bude uređeno i bude onakvo kakvo naši heroji I zaslužuju.

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a